

雜
劇
三
集

孤鴻影

芥庵周如璧著

熱憐才溫小姐沙洲甘死

閨鍾情蘇學士鴻影留詞

正目

鬼同心王朝雲幽魂入夢

古女俠林行婆雅信傳詩

第一折

生扮蘇東坡上。髣髴曾遊似夢中。欣然鷄犬出新
豐嶺南。萬戶皆春色。會有幽人客寓公。下官蘇軾。

山谷謂東坡卜算子詞非烟火食人語此

作描寫若
近若遠愈
淡愈簡亦
復如之當
在鄭德輝
宮大用之
間

羽淵景

字子瞻、別號東坡、西蜀眉州人也、遠性風疎、逸情
雲上、博觀載籍之傳、海涵地負、直追正始之作、玉
振金聲、荷仁宗皇帝國士之知、宣仁后不次之擢、
曾以黃州團練使、召對便殿、爭柰黨人側目、不容
朝廷之上、真是三仕三已、無喜無愠、近奉告命、落
兩職、追一官、以承議郎知英州軍事、續奉告命、責
授寧遠軍節度副使、惠州安置、兩寓合江樓、再移
嘉祐寺、目覩近事、料北歸無日、因此選白鶴觀隙
地、斫木陶瓦、作屋二十間、遷居于此、小窗疎籬、頗

有幽趣，只是一件。南遷以來，侍人星散，獨有朝雲相隨過嶺。又于去秋長逝，客居蕭索，正類楚囚所幸。東隣翟秀才善于劇談諧謔，西家林行婆妙能釀酒，栽花猶未十分寂寞。今日野步歸來，已是黃昏時候，且篝燈閒坐一回，咳，俺東坡呵。

仙呂賞花時 視草曾分玉殿春，謫居兀自感君恩。作賦擬招魂。江離薜芷空自佩芳馨，俺想人生富貴雲煙，功名蕉鹿，乃至流離顛沛，聚散悲歡，尤如蒼狗白衣，頃刻變幻，有何足道，似俺謫居于此，只

譬如原是惠州秀才累舉不第有何不可

么笑俺玉堂金馬總微塵。妓客賓朋亦浪因。四海若比隣。詩瓢社瓮。潦倒未全貧。不免且在燈下將

架上書卷翻玩一回。閱書科。且扮溫小姐上。妾身

姓溫。字超超。俺爹爹官爲都監。雅負才名。因此妾身也一般筆墨憨痴。才情自許。年方十六。心未許人。爹爹却也隨俺意兒。頗得從容自在。向聞大蘇學士。天上謫仙。舉世無兩。近日移居到此。喜得俺家這顏垣荒圃。咫尺可通。每夜聞他諷咏之聲。果

然是才子風流。大家標韻。此乃真吾婿也。今夕月
白風清。更闌人靜。不免再過牆西。飽聽一會。行科
仙呂點絳脣天付妍華。香奩有志。窺騷雅。傾國名
花。肯逐東風嫁。

混江龍輕移羅襪。待向蘭臺芸閣。吸露餐霞。還怕
香飄裙帔。影動窗紗。竟何曾學偷香。青瑣識韓郎。
又不爲聽鳴琴。夤夜奔司馬。只這冰雪姿。嘗則自
憐多。敢道謝班才。定合知音寡。呀。早來到神仙窟。
宅遷客間衙。生閒坐良久。詩思忽來。不免吟詩一

孤鴻影

三

首旦做聽科生吟詩科白頭瀟灑滿霜風小閣藤
牀寄病容。報道先生春睡美。道人輕打五更鐘。吟
罷大笑科俺東坡好自在也。旦是好風流也。

汕葫蘆則聽得抱膝長吟。漫自誇道先生春睡佳。

法叶上聲

真個是風流學士興偏奢。則這藤牀小閣書千架。

札叶上聲

焚香掃地多清暇。似蓬瀛謫降仙。豈尋嘗閒調法。

蠟叶去聲

長歎科俺超超今世。若不得事先生與他供筆札。

視人閒同嚼蠟。生呀。這窗兒外似有人行動。我且

推窗一看。做推窗看科旦做驚閃科

天下樂

旦俺未敢呈身禮大家非咱喬坐衙則怕

夜深沉乍逢猜料差將日邊紅杏枝比風前楊柳
花則索背湖山裝聾做啞生出戶見旦遙問科誰

家宅眷夜深至此旦答科妾乃東隣溫都監之女

久仰學士才名適聞窗下吟咏特來竊聽乞恕唐

突生原來是都監公的令愛暮夜不敢延入中堂

請就此亭上小坐何如旦做入亭相見科旦學士

天上仙人中龍鳳賤妾幸生及同時又恰遇學
士南遊嶺外私心景暮願覩光儀惟勿以非禮見

疑使妾有行露之愧。生呀。小姐具此識鑒，定是學
比文姬，才同道蘊，喜聞清論，何敢引嫌。旦還方郎
女有何知識？學士不以常見遇之，有餘榮矣。生下
官不敢動問小姐青春幾何，曾字人否？旦妾年方
十六，家尊憐才，擇配尙未字人。生俺有弟子王郎，
方今名士，當呼與子爲姁耳。旦聞却立唱科。

那叱令他則道無媒徑路差，空費了一場閒嗑牙。
道這尋常一女娃，向先生閒絮雜。因此上指門楣，
數王謝家揀人材。把潘宋誇咳，學士學士，你說甚。

麼選東牀。少者佳。俺則是叩龍門。親結納。這情由
空自嗟呀。**生**背語科。這妮子短歎長吁。似別有所
爲。俺又不便細細問他。不免把聽詩爲因。盤問他
幾句。**向旦**問科。小姐纔則窗外聽咱吟詩。可得詳
悉否。**旦**呀。學士文章。流傳海內。妾平日諷誦已多。
豈待今日。

鵲踏枝奇而法。正而葩。則比那憔悴江潭。痛哭長
沙。適纔吟咏。說甚麼五更鐘。道人輕打。好珍重。你
白頭人。瀟灑風華。**生**呀。小姐果異人也。俺東坡萬

里投荒、何幸見此女士、且妾亦何敢當此、曾聞學士向有侍姬王子霞、敏而好義、學書學佛、皆得大意、死誦金經四句偈而絕、學士爲銘其墓、又作六如亭覆之、使我惠州片土、千古流香、以妾視子霞、何異鶴鵠之于鸞鳳、生驚云、小姐閨閣名姝、朝雲塵凡陋質、何堪比論如此、且咳、學士妾與子霞呵、寄生草從無面、一似舊有芽、則可憐他、舞裙歌扇、因緣乍、書名佛號皆虛話、早則三生石上精魂化、每過六如亭上、不覺傷心、滿目價煙籠寒水月籠

沙。這的是紅顏未老傷心大。
旦淚生亦掩泣科旦

背語科

答叶上聲

煞尾。你則認未同言。却不道是關情話。俺肯作尋常應答。則道玉樹蒹葭。是人豪。不因媒嫁。枉波查。

達叶平聲

且自撐達。我曉得他的意見了。他道年不相如。怕

白頭吟。早辜負殺文君寡。豈知俺意不然。回身向

生作別科。學士妾身拜辭歸去也。恕裙釵一晌喧

搭叶上聲

譁。費清宵幾搭。則願你長記取舊飛瓊。曾到列仙

家。旦下生奇哉。奇哉。是真是夢。還是仙子臨凡。還

果是那小姐聽詩到此，看他舉止端詳，叙致清雅，別有無限深情，使人難解，且自閉戶安寢去。又吟前詩云：報道先生春睡美，道人輕打五更鐘。下

第二折

此折得虛
實相生之
法

小旦扮王朝雲鬼魂上：青山湖上掩黃昏，千載難招越女魂。惟有六如亭下草，春來無語怨王孫。自家錢塘女子王朝雲鬼魂是也。生爲眉山蘇長公妾，隨侍南遷，死葬豐湖之上。謝長公生死之恩，既銘其墓，又覆以亭，悼我以詩，薦我以疏，咳，俺朝雲

除是他生再聚。答此深恩。今在冥途。何由報稱。昨見溫小姐與俺相公相會在悠然亭上。這壁廂雅意相挑。那壁廂全然不解。咳。相公相公。你可也曾帶得些風流福分來。那小姐一意慕才。全無俗韻。他見相公神情不接。却借俺往事。閒絮了一番。咳。俺朝雲雖身居鬼錄。頗得靈通。眼見那小姐這段因緣。正如空花水月。但可種因來世。未得證果。今生只可憐那小姐一片真誠。都歸虛幻。俺承他慇懃憐惜。亦屬前因。趁此閒夜魂遊。與他夢中邂逅。

一番也算個天涯知己。且自乘風遊戲。訪他去也。
雙調新水令 說甚麼杜陵寒食草青青。最傷情。遊
魂無定。異鄉三尺土。長夜六如亭。世生生。使人
間歎薄命。想俺隨相公到此。

步步嬌

只指望萬里相依。如形隨影。拂袖來南嶺。

誰道成俄頃。奴家死後。相公有詩道。傷心一念債
前債。彈指三生斷後緣。可煞是多情也。償前債。彈
指三生空贈小乘行。金丹那駐得千年景。早則是
他家也。我且近前虛覷他。**做覷科** 且內長歎科。小

旦原來未睡哩、

落梅風寂寞支單枕。矍矍對短檠。可憐人。玉孤香冷。也只爲著這些心事來。他同心一曲彈未成。剛剩得兩三聲斷腸悲哽。
小旦又做聽科。這一晌剛

合些兒眼也。且勾引他入夢者。
旦上入夢科。自前晚書堂下別了蘇學士。好生放心不下。喜今夜月正圓哩。不免再到那廂。索性把我心事說向他去。
喬木查俺低徊自省。怎酩子裏胡遮掩。則是害嬌癡難將心自明。因此上葫蘆提畫個影。如今呵。則

供聲

索向他行親與供稱。小旦溫小姐這裏來。旦聽疑科呀何處來此妮子聽他的聲音呵。

提筆

並不似同鄉井怎廝撞便呼名疑則是鸚

鵒知情或者是青鸞造請咳我又差了念頭了若

是蘇公解此情由那晚怎便索然歸去則合臨別

也轉綿藤外戶旋扃看他那些行逕縱有心期接

引且費惺惺又誰承望特地尋盟。做相見科旦小

娘子是誰從來不曾廝認。小旦聞聲相思那在廝

認。旦可又奇怪哩。小旦小姐你不記得了麼。

錦上花。缺月黃昏。聽詩夜永。小院虛亭。逢人異境。
指不破機關。將心暗盟。顯不出真身。將人來客。請
旦如此說來。小娘子莫非是王家子霞麼。小旦笑
科奴家果然是他。旦近前相見。科旦姐姐。奴家何
處不尋你來。你却在那裏。小旦俺錢塘舊住居。如
今呵。豐湖寄萍梗。旦姐姐也朝夕與學士作伴麼。
小旦暮暮朝朝來去。怎憑爲雨爲雲等閒慣。經如
今到此呵。則貪著些兒和你消詳片景。旦既然如
此。何不乘此深夜。往看學士一遭兒。小旦這等甚

好此時俺相公呵、

清江引 悄書堂閃搖搖一燈長自青。和你去呵、暢

好親質証咳、小姐小姐、只愁這姻緣空作成。比似

我還僥倖。小旦抱旦相泣科。小旦異日呵、和你寂

寞沙洲同去等。內鳴鑼一聲各驚下。旦做驚醒尋

夢上

慶宣和 旦是分明有個人兒入畫屏。道和你去萬

福先生。又與我廝抱傷情話茗芋。呸、却原來是夢境。夢境俺如今想將起來、

喬牌兒。則合問心心自省。和誰去相質証。又道因緣不似他僥倖。敢則這相思成畫餅。想起那晚窗
外聽詩。幽亭敘語。也有幾許神情拋接。難道了不
相關。終無下落。

甜水令。想起他風度飄蕭。言詞委婉。送迎詳整。儘
自寸心傾。早難道土木形骸。珪璋體質。兩難匹並。
薄我似飛絮浮萍。正是思君今夜腸堪斷。金屋無
人見淚痕。通宵少睡。不覺身子困倦。且隱几小憩
片時。旦做憑几睡介。老旦扮林行婆。手折花枝上。

科香趨親看造。芳叢手自栽。迎春報酒熟。垂老看
花開。自家林行婆。住家在嘉祐寺前。釀酒種花爲
活。等閒不到人家。只有近隣溫都監的小姐。性最
愛花。因此往來頗久。目下含笑花開。特揀一枝送
他插戴。又得閒話半日也。此間便是不免徑人。做
入見旦睡科。呀。小姐却睡在這裏。旦醒見老旦科。
行婆從何來。手中折的是甚花朵。老旦是一枝含
笑花。特送來與小姐插帶。旦咳。好花。好花。色香俱
足。真是佳種。我且問你。但是花開時。也有文人墨

士。到你花前玩賞題咏否。老旦小姐豈不曉得這
惠州風土、半似蠻夷、有誰知道這些花情酒趣、兩
年來、有個蘇學士。謫官到此。便住在俺這花園後
面。常與南隣翟秀才。來到俺家賞花飲酒。那學士
也曾有詩贈我。便寫在那花亭土牆上。常有客因
慕此詩而來。婆子每聽他們吟咏、却也記得。旦笑
科既然記得、可念與我一聽。老旦笑科念與你聽
也使得、或是字、句、欠、清、小、姐、想、像、意、會、便、了。旦笑
科何必過謙。老旦念詩云、縹蒂細枝出絳房、綠陰

青子送春忙。

旦也是此時了。

老旦正是又念詩云

涓涓泣露紫含笑。焰焰燒空紅佛桑。

旦又有佛桑

花何不并折一枝來。

老旦

此花今歲尙早。又念詩

云。落日孤煙知客恨。斷籬破屋爲誰香。

旦

好句。好

句。真有風人之致。

老旦笑科

這後兩句。便見贈與

婆子的意思了。

旦

却怎麼。

老旦念云

主人白髮青

裙袂。子美詩中黃四娘。

老旦念罷自笑。旦亦笑科。

却也比方得不差。學士是個子美。你便真不嫌黃

四娘了。

旦又細吟前詩科

好詩。好詩。有此名花。不

可無此名句旦做對鏡簪花科

折佳令

旦俺整新妝小綴香瓊說甚麼傾國名花

配就輕盈

照鏡自喜科咳影兒影兒你簪上此花

更饒風度也則問你紅葉誰憑鏡臺誰聘玉杵誰

擎算只有芳心自領誰承望錦片前程

忽下淚科

老旦呀小姐歡歡喜喜帶了花兒如何忽然傷感

起來

旦行婆你怎知俺心事來俺見此花呵千不

合宜喜翻憎不知是詩爲花魔花爲詩疼老旦小

姐因詩感懷俺婆子那裏知道旦行婆那蘇學士

乃天下奇才、玉堂仙客、他的詩豈比尋常題咏、我
既見此花、又聞此詩、想慕風流、未能親近、不覺淒
然欲泣、咳、行婆、假如俺今生得事此君、卽爲箕帚
妾、亦所不恨、老旦小姐愛慕學士至此、只是他何
由鑒知、旦笑云、那學士與俺倒也曾半面來、老旦
原來如此、但恐年不相如、那得輕言配偶、旦行婆
差矣、人世浮浪因緣、百年如夢、果得婿如此、便相
依一日、勝似三生、老旦小姐曠見、豈世眼所能及、
碧玉簫他蓋世香名、恰賦憐香命、你絕世才情、恰

具憐才性。只你這一腔心事呵。誰作證。恁悲傷沒
四星。況聞學士又奉朝命。遣謫瓊州。不日便要過
海去了。旦做驚科。他如何又有此謫。老旦小姐如
今當道的人呵。他憐才幾會。知心幾會。須不似你
恁般欽敬。旦長歎介。這倒也說得是。老旦小姐。俺
婆子且告別了。改日再來看你。正是雨冷香魂弔
詩客。酷憐風月爲多情。下旦這婆子去了。聽他言
語。轉添人愁悶也。

鴛鴦煞

旦夢中人似花中影。景中人弔人中景。忽

聞他過海之信、猛聽了一驚、不分明、難打當、又飄零。旦泣介、敢是俺前生欠下的多、今世賠償的冷。一天愁、沒人管領、今夜裏遇雲英、莫教輕易醒。下

第三折

生上、末扮舟子、丑扮童子、隨上。俺東坡南遷萬里、僑寓三年、不起歸與之心、已作終焉之計、何意復遭嚴譴、責授瓊州別駕、昌化軍安置、行將渡海而南、家累且俱留惠、正是朱崖雲夢三千里、欲別俱爲慟哭時、到海岸已兩日、候風順便過瓊矣、船家

長今日風色如何、**末應云**今日風色正好、早已打點開船了也、

越調調鶴鵲生。萬里投荒。一身孤往。軫轉流移。百千勞攘。生事艱難。神情骯髒。天一方。水一方。恣意徜徉。人間無兩。前日京報人說。都下喧傳了。先生春睡美之句。遂有儋州之命。**大笑介**

紫花兒序俺則待幻化了莊周蝴蝶。醉領個南柯郡守。躬逢著胥氏軒黃。不慕黃梁。不羨高唐。清狂。剛弄筆閒吟詩一章。誰知道浪相傳寫。流聞都下。

又起摧傷。放船科生做望科。你看潮平岸闊。風正
帆懸。又是一番風景。俺東坡雖狼狽播遷。胸中自
有翛然處也。童兒俺前日行時。林行婆贈我以酒。
可暖一杯。與俺臨風消遣者。丑應進酒生飲科。

金蕉葉

則見洪濤外。連雲隱檣。遙天際。編石浮梁。

禁不住。駕長風。羈情浩漭。則待指扶桑。飛翻上翔。
想俺東坡。當日召對便殿。宣仁后曰。先帝誦卿文
章。必歎曰。奇才。奇才。但未及進用耳。俺哭失聲。帝
后亦俱泣下。已命坐賜茶。徹金蓮燭。送俺歸院。可

謂千載一時。今日竄徙天南。飄零海外。咳。人生遭際。何可意量。敢是俺命磨蝎爲官。合使跡遍遐方。身投荒裔。故有此行也。丑又進酒生飲科

禿廝兒 怎忘得君恩浩蕩。今日呵便葬魚腹。枯骨

猶香。似俺荒唐褊淺。誠無狀。又狂妄類觸藩羊。此

罪合當。末好風好風。老爺今日渡海。天送此風。以

壯行色。生大笑科

聖藥王 還說是天意祥。水靈長。波平風靜出茫洋。

一望縹緲之間。五峯竝立。想是瓊州地面了。末應

云這山喚做黎母山。最是高峻。是瓊崖第一山了。
生山渺茫。水渺茫。峰巒依約似廬匡。屏風雲錦張。
俺如今已離了惠州。別的事且由他便了。只向會
許溫都監之女。與王子爲姍。此議未諧。遂成宿諾。
得無令之子長恨。

床郎兒

他風情林下爽。名秀冠閨房。教他配俺王

郎呵。窈窕女。聰明才鑒。寧馨兒。經濟文章。且住

么

俺再想。謾詳恹恹。此子幾度聽詩。千回惜別。及

對他說。呼王郎與爲姍。他却全然不採。敢那其間。

不了句
張上聲

別。有。忖。量。他。直。恁。錦。心。繡。腸。況。兀。自。名。門。生。長。我。
又。想。來。他。是。女。孩。兒。家。陌。路。相。逢。怎。談。及。俺。朝。雲。
往。事。恁。般。悲。切。

絡絲娘 雖則合猿聞斷腸。他却沒半面何因痛傷。

早。難。道。女。子。才。多。貪。外。獎。赤。緊。的。心。煩。技。癢。未。已。
到。海。岸。了。登。岸。十。里。便。是。瓊。州。府。了。**生** 天。色。傍。晚。
且。泊。船。過。宿。明。日。登。岸。罷。

尾聲生 難將海水和愁量。儘白首煙蠻雨瘴俺也。
無。意。俟。河。清。則。合。有。詩。歌。漢。廣。**並下**

第四折

旦病妝上。前日林行婆送花來看我。道蘇公又謫
瓊州。不日渡海去也。俺則聽得一聲。不覺的心逐
魂飛。腸和淚迸。不道果然的去了。天涯遷客。知他
蹤跡何如。我一腔心事。今向誰剖。這幾日意亂神
荒。形銷骨立。俺已一心相許。自應九死難回。咳。不
知情爲才牽才。因情重。天呵。直是你多付了俺一
段聰明。生生將人折損了也。

商調集賢賓

旦

俺只道纔相見。却怎知這離別陡

則俺芳心一點期許千秋。莽絲蘿待依山斗。却朦朧邂逅。因由還則道兒女鍾情。誰認是英雄。擇偶他如今一旦去了。好教俺心頭攥住了口頭難忘處。又待提心在口。心頭似珍珠脫手。口頭似骨鯁絨喉。昨晚俺再過牆西呵。

逍遙樂 書堂依舊人去猿驚。庭空鶴走。問伊人何處飄流。彷徨尋良夜清遊。吟嘯隨風珠玉投。到今呵空自把弓鞋冰透。則見虛亭寂靜。別圃荒涼。池沼閒幽。俺歸來好不傷心也。

掛金索鏡去臺空。鸞配何年。絃斷琴孤。鳳操何時。奏成說難忘。契濶誰攜手。日月悠悠。道遠能來否。老旦林行婆上好幾日。不會去看溫小姐。未知他身子如何。須索走一遭者。做見旦驚科。呀。小姐如何越覺清減了。須自排遣爲上。旦教俺怎生排遣。咳。行婆。你是從來知道俺的。

金菊香等閒愁緒。不上眉頭。則這一片冰心也。須是那人消受。誰知道滿意兒的。姻緣偏不偶。自他去後。到今日呵。一日三秋。魂欲斷。海西頭。老旦小

姐你如今體中光景何如爲何恁般憔悴旦咳行
婆

醋葫蘆

俺與他初見時如逢肺腑親忽去時如失

左右手你道俺從來呵爲甚的姻緣偃蹇少良儔
也只爲閨闈名心屬勝流不爭的轉關兒事機差
謬教俺小心窩怎擔閣許多愁老旦小姐免愁煩
那學士負海內重望不日便有內召佳音也旦也
不是這等說俺的身子呵

么

非關拋閃新多因憔悴久我如今倒有個比方

在此天下不如意的何止俺們女孩兒家則假如
數奇李廣不封侯則假如下第劉蕡偏不偶自古
紅顏薄命傷情處比才人都是一般休旦長歎一

聲暈倒科老旦急喚科小姐甦醒甦醒旦慢醒科

行婆我已病入膏肓勢難痊可倘一朝不幸蘇公

同時望你將俺這淒楚情由細說與他俺還有詩

一首與他永訣你可收留得好好的交付他這便

是我和你半生相與之情了旦付詩科老旦小姐

這是說那裏話你既有詩且念與婆子一聽旦念

詩云。人世鍾情只近情。我鍾情處。殉才名。聽詩一
夕風流盡。拚得今生博後生。
老旦咳。可憐。可憐。小
姐詩句。直恁淒切。只是你小小年紀。怎說這話。可
耐心調養。果是天緣。相逢不遠。
旦行婆。這些話都
也罷了。
旦唱科

悟葉兒他若是歸來早。還及得骨未收。不然的時
節。料他也灑泣向荒丘。俺與他雖則未成婚媾。則
那窗間咏亭畔。留話綢繆也抵得。一夕兒夫妻唱
酬咳。蘇公呵。

孤鴻影

才

旦你行程遠。俺去路悠。行婆行婆。俺亦豈無端。
便以死相殉。曾聞女憲云。得意一人。是爲永畢。失
意一人。是爲永訖。俺已心嫁蘇公。不可有二。此志
呵。當向古人求。只可憐俺三生約。一晌休。未得抱
衾裯。浪說道他生聚首。這段因緣呵。

浪裏來煞人間少古罕。儔則這生離死別兩無由。

咳。我好恨也。**老旦**小姐恨甚的來。**旦**恨相逢不與
親分割。只落得心頭自有。**旦**做昏沈。又慢醒。低喚
科行婆。不好了。煩你扶我房中去罷。我這一點魂

靈阿早飛向海窮天盡不回頭。老旦扶旦下復急
上科咳小姐小姐怎麼了、怎麼了、眼見得不濟事、
只在這早晚了、咳、蘇學士你聞知此信、如何過得、
且與他收好了這紙詩、再作道理、正是天若有情
天亦老、月如無意月常圓、下

第五折

末扮翟秀才上、瓊間畢卓防偷酒、壁後匡衡不點
燈。他日莫尋王粲宅。夢中來往本何曾。自家翟逢
亨、是這歸善學中一個飽學秀才、少年仗氣負才、

輕世傲物、不論先達後進、都稱俺是翟先生、與王
子直、吳子野輩、爲忘形之交、蘇長公被謫到此、便
把臂入林、相與晨夕、不意他又奉朝命、遠謫儋州、
屈指四年矣、今遇赦北還、只這早晚到惠、咳、正是
人生不相見、動如參與商、早已與他們相約、同到
海岸迎他、呀、遠遠望見、子直、子野都來了也、外扮
吳子野、小生扮王子直、雜扮家僮、攜酒上、相見科
末笑科二兄載著酒餚、遠迎長公、只俺翟先生全
未料哩、及此、太覺不當了、外小生笑云豈不聞有

酒食先生饌乎、各大笑科、老旦林行婆上、蘇學士
北還、聞得翟秀才們都到前途迎接去了、俺婆子
承他眷念、且是溫小姐一段生死因緣、全憑俺備
細傳致、因此日夜在心、則他一幅詩牋、便當做萬
金之託、早見他一刻、也早完了一樁心事、呀、翟秀
才們也在前面了、見科、眾行婆、你也來得恰好、蘇
老爺將次到了、你須再進一程、纔是、老旦却是爲
何、眾笑云、他與你十分愛厚、豈比尋常、老旦好說、
眾行婆、行婆、

耍孩兒 你溫存幽雅多風調。可知道心傾俊豪。聞

得他特地寄書與循州太守。托他轉相訪問。可知
你名並五雲高。青裙誼重綈袍。這些時呵。則怕他
飄零重憶。罍前酒離索難忘。花下招。你是必先打
藁。好追陪你洗塵筵席。領略你迎面風騷。老旦休
得取笑。翟先生呵。

煞 你誠諧近向誰。鬚眉何處豪。怕蘇公去後知音
少。吳先生。俺則問你老蠶不食三眠未。王先生。你
竹杖閒錢可。時有百十挑。今日你們做主人也。須

發遠行人一頓飽。此時天色漸晚，還不見到，則這
些酒食呵，則好暫充饑渴，稍濟虛枵。眾笑科。倒受
你婆子一場譏誚也。老旦：豈敢譏誚？婆子且告回
了，明日再來也。下外：或者今日蘇公未必便到，且
尋個人家借宿去。小生末：正是如此。外：你看一望
海岸呵。

收尾 混難分水接天。杳不辨雲連島。想客星此際
猶天杪。且和你悵望臨風，送懷抱。並下

第六折

生上俺東坡四年僮耳，遇赦北歸，幸我寄居無恙，又二三故人皆如昔，握手道故，亦俺天涯樂事。但溫都監的小姐無端邂逅，一旦云亡，追憶往昔一番酬答，何能爲懷。聞與行婆迷離永訣，宛轉叮嚀，昨乍會恩恩，殊覺他有言未吐。今日來時，仔細問他，自有分曉。老旦林行婆上：昨與蘇學士一見而別，今日不免早去，與他說個詳細，將小姐留下的詩牋交付與他，也不負了那小姐生死之托。見科。老旦：呀，學士早已梳洗了。生：欲聞溫小姐永訣之

一路傳致

有情

物叶霧

玉去聲

灰叶平聲

言所以早起相待。老旦昨廣坐中不便說得。今日特地早來。咳。那小姐與學士呵。

中呂粉蝶兒 夙世崔盧。敢未生前早銓註了玉堂人物。驀忽裏地行仙。飄跡瓊都。更與俺有情娘爲鄰。並比似東牆宋玉。這姻緣呵。又不爭甚年貌門族。則辨得個識英雄的眼兒。一顧生敢則行婆錯認了也。老旦俺婆子幾曾會錯認來。

醉春風 原不會因見面陡目成。則是未結帶先心許。說來也奇怪哩。學士初到俺這惠州時。那小姐

便驚喜向人說道。這真吾夫婿果然殊。他心兒裏
也自語語。因此上把未綰紅絲。未描眉嫵。一一的
爲君傾佇。生俺東坡四海無親。何意遇此女郎。照
人青眼。老旦那小姐呵。

迎仙客

他並不爲附青雲上鳳衢。五花誥耀青廬。

則欽敬你班馬名高在石渠。待與你捧盤盂校圖書。
平生願足。異日呵。美名兒彤管千秋註。生行婆。
小姐如此美情。使我如何領受。老旦若說起那小
姐許多才調呵。

上小樓他惠班才富更有謝娘風度不禁的眼爲才高情爲才多性爲才殊那一番夜話光景他也曾與婆子說來他儘也逞機鋒輸心素親拚個許那知道三更謎未參緣悟

么只落得那壁廂重趑趄這壁廂費躊躇學士呵你還待寄語王郎打合姻親做意勤渠教他口怎俞心怎舒則索道不如歸去如今想來斷人腸是花陰深處正欲再圖良遘忽聞儋州之信不勝驚訝比及再探消息學士早已過海去了也

滿庭芳

雲閃下鸞儔鳳侶。心慵意冗。坐咄行吁。怎

生打疊疼人處。長則是茹檠含荼。魂慘淡。斷煙殘

雨。夢悠揚。海角天隅。他還疑慮。恁關情有無。敢望

一行書。那時暮春。小園含笑花開。特送一枝去。與

他玩賞。他便問。花開時。可有才人。曾到題咏。俺便

將學上贈我的詩。念與他聽了。他再三歎賞。又揀

好花一朶。對鏡插鬢。喜歡了一會。却忽然下淚來。

快活三

他簪花聊自娛。顧影轉歔歔。敢是學士的

詩。能傳幽恨。令人孤況。是他心先苦。那時婆子再

三間小姐。他道學士的詩。不比尋常題咏。我想慕風流。未能親近。故爾傷感。倘得相依一日。勝似三生。說罷。淚下如雨。因此鬱鬱成病。積漸伶俜。便是。一切妝束呵。

朝天子 生疎。雲鬟懶梳。并廢了花間步。風庭月榭。盡荒蕪。怕聽嬌鶯語。翡翠筆牀。鴛鴦繡譜。一任塵封魚蠹。便指與懽娛。他轉孤。幾蹙回波顧。後來常去看他。更無別話。止道病入膏肓。料恁北歸無日。不復相見。有詩牋一幅。託我收藏好了。付與學士。

道今生已矣、願結來生、嗚咽了半晌、喚婆子扶他
到榻兒上去了、不隔半日、大慟一聲、遽然長逝、咳、
我那小姐、老旦泣生亦泣科

四邊靜

老旦思量囑付。幾度招魂淚欲枯。由詩賤

付生科這哀音恨譜。不比別風雲月露。學士你早
慰冥途。莫教他悵望殺三生路。生哭科呀、哀哉、痛
哉、那小姐生生的爲我斷送了也。看詩科人世鍾
情只近情、我鍾情處殉才名、聽詩一夕風流盡、拚
得今生博後生、生又哭科兀的不痛殺我也、咳、小

姐小姐。你具此風格。自然多怪少可。因緣不偶。安能久住人間。俺東坡何德。可以堪之。讀此永訣之句。令人心折。益令人腸斷矣。行婆聞他葬已三年。墳塋何處麼。老旦小姐遺言。不欲遠離家院。便葬在前溪沙岸上。生既如此。便往那邊澆奠去。生老旦同行科。

耍孩兒

生問

沙洲何處埋玉樹。還傍著生存舊廬。

想俺東坡昔日呵。爲甚卜宅近仙居。敢是蹇修爲我先驅。誰知道三年海上亡家客。生折損萬里橋。

邊女校書。茫無據。小姐你做了未從夫的德耀。我
做了枉薄倖的相如。老旦前面一帶蘆葦岸側。便
是小姐葬處了。**生**你看蔓草寒汀。空林夕照。一坏
淺土。三載離魂。咳小姐小姐。回首當年。與伊卜宅
西隣。論詩靜夜。一番佳話。頓成今古。好不傷心也。
不免口占一詞。以當哀誄。咳小姐。當日與伊初見。
阿卜算子。缺月掛疎桐。漏斷人初靜。時見幽人獨
往來。縹緲孤鴻影。驚起却回頭。有恨無人省。揀
盡寒枝不肯栖。寂寞沙洲冷。**念畢**哭拜科。

四煞生痛荒墳草已枯。盼幽林魂可呼。問精靈渺
漠。今何所。小姐。可憐那聽詩一夕風流夢。止博得
別恨三秋長短吁。心如鋸。你千愁腹削。何堪俺一
慟消除。老旦學士休得過哀。

三煞生你淪亡拋路衢。俺飄零在海隅。虛生虛死
徒相負。恨千年共穴多成假。則如今日呵。白首同
歸願已誣。小姐。你魂靈有知呵。好與俺長依附。
幽貞是南堂煙雨。安香魂有東塢荷蕖。老旦學士
痛悼至此。小姐九泉之下。自當感念至誠。適間一

詞可勒石墓門、永垂不朽、**生**行婆、俺遷謫南來、朝雲早逝、俺葬之豐湖之上、今得與此塚並存、識我風流罪過、片石墓門、實獲我心矣、咳、俺東坡呵、

二煞徒參天女禪、空矜絡秀許、生生罪孽無消處、

咳、小姐、你別、余已作沙中土、俺痛你、纔同掌上珠、愁無措、忍見你庭階蘭玉、忽化做了山路薜蘿、**小旦**扮仙女、忽上科、煙霞不省生前事、水木空疑夢後身、**學士**稽首了、**生**呀、仙姑何來、**小旦**笑云、去來蹤跡、變化何常、卽此塚中人、亦了彼前生事、因汝

一番哀感。他生又結後緣。學士學士。汝亦不久人間。幸惟自愛。去也。去也。忽下科生。奇哉。奇哉。聽他指點言詞。兀自關情不淺。敢是小姐冥漠鑒知。變形出現也。老旦。學士至誠感動。故神仙有此應驗。生。行婆。纔道俺亦不久人間。憂能傷人。固當不復永年耳。

一煞。便人間不久居。算今生總棄餘。行婆。俺在儂州行歌田間。有一箇婦。年可七十。他道內翰昔日富貴。一場春夢矣。里人因呼此婦爲春夢婆。真個

釋夢整
翁
叶組手

秋叶屬

是一場春夢無憑據。咳。小姐你雖然寂寞無儔侶。
猶是東坡舊眷屬。煞強似真娘墓。這的是貞姬俠。
烈未許綺語描摹。老旦天色已晚。請回罷。

收尾風吟蘆荻秋。月暗松杉路。俺東坡呵。十年來。
不識南遷苦。則到得淑女墳前。傷心難自譜。下

夢

勾

孫

夢幻緣

芥庵周如璧著

第一齣

草橋驚夢
後有尋夢
錯夢奇矣
今更爲幻
夢愈出愈
奇
入不言兮
出不辭乘
迴風兮載
雲旗是此
劇神境

外扮園公上自家劉府內園公是也壯年識字通
文單行接帖管門告示上小子定然第一客來時
大老也相隨脚跟體面十分榮耀口頭頗自風雲
只因生來命硬不容家主長存既少故人通問又
無小主延賓遺下荒園一所數年倒塌荆榛又是
老兒高興自向夫人乞恩清閒百倍自在三分澆

花惜葉、拔草尋根、如此十年栽植、樹木都也歡欣、
有得偷桃偷李、又兼多子多孫、可信人生有命、笑
介何須東走西奔、俺這園中、還有一樁奇事、十數
年前、老夫人夢見神仙賜與海棠花一枝、生下小
姐、因此小姐、取名夢花、繡個花王聖像、幡幢供養、
朔望殷勤、今日夫人生日、怕要來禮拜花神、且自
打掃伺候、則個、掃介

脚真兒

老旦引旦小旦隨上、老旦冷澹園林徑窈

窈。湖山罨藥草抽苗。旦就圃成龕。因花惜夢。小旦

且把長生祝告。外老夫人小姐來了。老夫人小姐
圍公叩頭。老旦起來。我昨日分付你芟除花徑。汎
掃佛閣。收拾遍了麼。外各處俱已收拾了。請夫人
小姐拈香。老旦茜紅鋪下單兒。待我禮拜。小旦曉
得。老旦叩首花王。大士前。惜花作供。結花緣。生辰
恰值花開日。願似秋花歲歲鮮。拜介
香羅帶十年鸞鏡拋。蘭膏謝描。蕭然并日親自操。
清燈獨秉度閒宵也。膝前剛剩得個掌中嬌。如今
且喜得蘭玉漸苞。多則是托庇神靈也。可夢個射

雀兒郎是甚日招。旦待孩兒祈祝一番。老旦笑介

生受你。小旦這個是應得的。小旦扶旦拜介

前腔旦咳。花神花神。俺夢花呵。名香薰絳綃。金鍼

細挑慈雲托來蓮座高。我把名花作供。禮花朝也。

是我酬謝你夢中勞。還祈保護得松筠晚凋。只愁

景入桑榆也。願借你甘露楊枝做續命膏。老旦祈

禱已畢。且收拾回房去罷。旦母親等閒不出房櫳。

今日是因慶生禮佛。過此園亭。可假消停片刻。許

孩兒向花間嬉耍一番。以當斑衣之舞。老旦笑介

這又是女孩家心性了、既如此、你可循著佛閣、西廊、遶花徑、緩步而回、茜紅扶著些兒行走、老身先去也、正是宛轉隨兒女、辛勤做老娘、
先下旦茜紅
你看這一帶海棠、可也開得有致、
小旦真個有致、
但、不知、小姐似花、還是花似小姐、
旦茜紅

前腔你看輕紅滴露梢、風來倍嬌、參差點成金步

搖、
小旦小姐請行、
旦行介縈階遶砌似依人也、又

道他是我舊根苗、
小旦小姐、你花胎只待早把花

運招、
旦那夢兒不知有甚要緊、
小旦若還好夢無

憑也。怎便月下紅絲也。則似夢裏挑。
下

第二齣

菊花新

旦曉妝。小旦隨上。東風簾外送春過。爲惜

花枝早起多。小旦燕子補殘窠。生憎把繡苔泥。浣

旦落花閒院春衫薄。薄衫春院閒花落。小旦遲日

漸依依。依依漸日遲。旦暈腮嫌枕印。印枕嫌腮暈。

小旦移鏡曉妝時。時妝曉鏡移。小姐你每日起得

絕早。今日畧覺遲了些兒。想是多做了個好夢麼。

旦呀。這是甚麼話頭。我從來不曉得做什麼夢。

好事近。泣顏回。生小睡無魔。擁著香衾。鞦韆。冰清

玉潔。自覺意兒多可。刷。子。序。婀娜。管領春花秋月。

則是展香匳。好句吟哦。普。天。樂。小旦。小姐。你帖帖

地把芳心鐵裏。便翻翻自喜。作甚消磨。旦。却又閒

絮了半晌。窗櫺外日影漸移過來了。可取鏡臺與

我整妝。小旦。取鏡臺上介。明明金鵲鏡。了了玉臺

前。小姐。鏡匳在此。旦。照鏡介。呀。茜紅。這鏡兒。敢是

新磨了麼。小旦。沒有。旦。做再照喜介。

錦纏道。正宮過曲。是因何拂菱花。如臨月窩。澹澹。

自生波。旦笑問介茜紅、這鏡兒裏可就是我、小旦

小姐又來了、難道自己的影也不廝認、旦我猛回

頭還疑影落銀河、不道那全身是我、對鏡拜介俺

須是兩家相賀、小旦小姐你是好處、未經睽、旦掠

鬢介小旦雲鬟霧鬢、風情巧湊泊、旦整衣作妝畢

介小旦妝罷薰香坐、這些時爭甚讓姮娥、旦做欲

起行撥轉鏡又側照介呀、茜紅、你可見來、鏡兒上

一片紅暈、浮動想是紗窗上日影射著哩、小旦看

鏡介呀、果然有一片紅暈、小姐敢有甚喜事到來、

鏡兒報個消息也。旦笑介咳癡了頭、有甚喜事來、
旦指鏡向小旦唱介

普天樂看分明紅一抹、還疑道沒些個、
我曉得

了、是庭花謝幾瓣、經過待尋蹤、早又搓挪、
小旦小姐敢則是心神欠妥、把些個珠光玉色、做了鏡聽

差訛、內喊賣金榜題名錄介、小旦小姐、你聽街坊

上叫賣題名錄哩、待我出去叫住了他、買一本來

看看、急喚介賣題名錄的、拿一本來、
譚買介旦笑

自語介你看這個癡了頭、著甚麼要緊去買他、小

旦入介小姐與你看今年狀元姓甚出在那裏州縣看介第一甲第一名史珏南直梁州人旦也是我們江南人向來原是一個才子小旦却原來小姐也曉得小姐你看麼他上面還填著個未聘哩

古輪臺

小旦冷瞧科羨他才郎年少把錦標奪風

流可也居奇貨閒中撮合暗地摩挲也省得河邊投果旦笑介茜紅看你這些說話正是癡心女子我洗盡鉛華省除閒嗑冰心生怕惹情魔名花一朵則鬱重重護持他月臨繡榻風清翠幙香生書

閣此處緊兜縛魂妥妥。算來不受點兒錯。**小旦**小姐。今日天氣甚好。且又是意興拈拈的。何不到老夫人跟前說說去。

尾聲**旦**娘前怎敢閒煩聒。單道是今朝可可茜紅。好收拾了鏡奩。你爲我愛惜清光。罩幅羅。小旦抱鏡隨下。

第三齣

醉扶歸生上丑隨上。此生倚玉疑無分。怪的是眼中不是意中人。薄衾單枕共誰溫。歲華荏苒羞青

鬢雖則道百年佳會總前因。難道是虛虛擺下風。
流陣我史玉郎膏盲慕色、痼癖多情、每吟靜女之
章、輒有虛生之憾。閒覽詩詞所載、往時奇豔多屬
荒唐、及訪遠近所傳、當代殊尤、冷笑介堪爲絕倒。
因此無心婚宦、習慣孤清、畢竟怎生是了。今夜風
清月明、蕭齋閑靜、當此良夕、不覺情根生動、意蕊
紛開、宛如若個多情、繫人腸肚、好生恹恹、青條你
可出外廂伺候、待我寧神靜坐一會。丑官人、你打
發了青條出去、冷清清獨自坐地、有什麼奧妙工

夫可與我說一說兒、好教青條也去靜坐一會、**生**
胡說、你自出去、丑做鬼臉下

前腔**生**我只爲佳人難得把韶年混、怎道是消磨
風韻枉勞魂。春來幽恨長三分。愁苗透出眉尖、暈
呀、怎麼這一會頓覺心神恍惚、意思歡欣、遠近之
間、若有所遇、敢是我精靈也。感意兒真相思現示
心頭印。**狂喜介**呀、呀、兀的不是美人來也、做虛觀

介

卓羅袍瞥見天然嬌俊似屋梁初日照耀華茵須

更變化。擬朝雲半空結就溫柔孕。這一刻越覺分
明了。玉顏瑩潤。令人眼新。做嗅介吐芬蘭若。移人
鼻根。精魂搖蕩無憑準。作顛狂下拜介。小生下界
凡夫。敢勞神仙臨降。

前腔。你敢是瑤姬仙胤。問玄靈一曲可許人聞。含
諾依稀尙未分。體疎意密空相趁。若是素臺形景。
則合長居上真。若是靈蕭匹偶。也有前生夙因。人
間那得此珊珊韻。這是真呢。是幻呢。我且近前詳
視。看是如何。做逼視介。呀。多承青盼也。

前腔 眼角流波一瞬。乍幽輝入室。似新月初痕。看

他凝眸微睇。却似眷戀小生。且住。則像這娉婷倭

妥。真是臨風便欲飛去也。盈盈延視。若臨雲。恰疑

身在巫山隕。做向前假抱介。可與你相親片晌麼。

做放手介。相親未許。薄言怒嗔。呀。呀。呀。如今却像

要去了也。鳴鸞搖佩。遷延引身。做慌介。心神怖覆

無安頓。奇哉。奇哉。怎麼轉眼便相失了。呆介。忽醒

作顛狂態介。仙耶。鬼耶。想耶。夢耶。不免再拜送之。

拜介

僥僥令拂墀聲未隱。日色倍紛綸。作急趕唱介教

我喪魄銷魂空惆悵。欲待學留仙襞皺裙。丑上撞

倒介官人。這是怎麼說。生青條。你會見個飛天仙

子出現麼。丑官人又來了。纔說要靜坐一會。分付

青條出去。那有什麼飛天仙。子。官人。敢是你靜中

思動了。生咳。你那裏曉得。

尾聲。如今消盡平生恨。丑這是那裏說起。生我只

是拜禱天公。願日日見之。儘穀此生。了。與洛浦巫

山作後身。笑世上佳名總未真。

第四齣

一江風

旦病妝小旦扶上慣熬癡自不解傷憔悴

忽地心如醉靜悠悠一點香魂似不共形骸會生
小住深閨又不受尋常花月迷悄無端渾欲待因
風墜

集唐

盼盼疑魂別深嫌氣力微新妝可憐色

眉黛斂依稀茜紅我生年二八不會傷情卧起依
時罕侵風露偶因鏡中窺影頓起春情一病沈沈
如醉如呆少醒多睡怎生是好

小旦

小姐你青春

幾許忒少關情日來睡境纏綿想是年時已到也

旦茜紅。這是那裏說起。你朝夕在我身畔。倘有些兒心事。你豈不知。小旦便是小姐。你且道朝來病體何如。

楚江情

旦低唱介我神魂化蝶飛。飄飄失依。憑誰

喚轉甜黑迷。霎時驚起。依舊香閨也。羅衣嫌重。瑤

釵半欹。蘇蘇雨汗浮玉肌。旦做力怯伏几介小旦

撫摩介小姐。你少小無知。難道禁魔魅。旦作睡去

介小旦看他酣酣睡境。餒。呆呆病態奇。又不爲多

情泥。旦慢醒介

此等境界
似乎昂畫
而化為

浣溪紗

旦茜紅你莫執疑休猜謎斷不是倩女魂

離我醒來了了都無異只是夢去佗佗難自持模

糊記似有個來蹤與去跡則不分明辨別東西小

旦小姐你日前曾對茜紅說從來不曉得做夢如

今敢是夢也旦便是呢

東歐令從無夢是耶非便就道是夢呵夢境應須

有盡期如何恍惚無端委小旦小姐這般說起來

想是夢中有什麼光景了與茜紅詮說何妨旦還

未便像個夢哩小旦却又怎麼旦舉手模擬介則

夢幻緣

似夢欲來猶未一癡一醒半迷離此景自家知小旦小姐天色已晚被兒早薰透了請安置了罷扶旦行介

尾聲旦人間百病都也非同類單則是叫不澈南柯一睡小旦敢只怕楚雨巫雲夢裏歸下

第五齣

末扮花神金冠錦袍簪花上人間萬事總前因因若真時夢亦真白日青天渾是夢想因交處見真身吾乃司花小聖近奉玉帝勅旨兼管人間婚牘

隨方顯化、到處了緣、俺看來人世情根、都是前生
孽識、孽重者顛倒愛河、纏綿累劫、孽淺者勾消夙
障、解釋冤愆、史玉郎西天散聖、劉氏女玉洞花仙、
合有塵因、入我情界、不免與他夢中撮合、輕輕的
渡過迷津、咳、這正從鏡裏拈花、豈向癡人說夢、且
喚白衣娘子、紅裳小姐、石家醋醋、楊家綠兒、一齊
到來、使他們變現神通、幻成花燭、了此一段薄緣、
眾仙子何在、小旦純紅老旦純白丑純綠中淨繡
襖各執花上小旦紅者霞豔豔、老旦白者雪皚皚、

丑花枝蔭我頭、中淨花蕊落我懷、見介大聖稽首、
末相召非爲別事、今有史郎劉氏、合了夢裏情緣、
勞你們各顯精靈、諧其眷屬、聽吾囑付者、眾願聞
法旨、

好姐姐、未玉郎是前身散仙、與夢花女有夙因、當
踐匪媒不得、暗中絲待牽、須宛轉、莫使魄驚魂兒
顫、聒鬧了佳人一晌眠、

前腔、眾團圓、前因舊緣、惜花心倍加纏綿、我等奉
命呵、雲英扶持、玉清接引、先歌婉婉、契合三生成

宅眷。只怕夢醒華陽一惘然。

第六齣

北園鵲鵲 旦上 小旦扶上 病影如何。風花一朶。小

院無譁。清宵靜可。被擁餘香。燈挑剩火。睡也麼。醒

也麼。強勉騰那。何時是妥。**小旦** 小姐。你身子困倦

了。夜漏已深。請安寢了罷。**旦** 茜紅。

紫花兒序 我幾慣得懨懨僵卧。死守著點點香窩。

這些時敢待著了邪魔。初猶較可。近更乖訛。委佗。早冷落朱顏暗裏過。這一會敢則是要睡也。茜

紅、你到夫人前看看去、可曾安寢了、若問俺病體
的時節、帶睡唱介、隱藏些個。還未得倚定香篝。却
早已骨軟如酥。睡介、小旦呀、你看小姐竟隱几睡
去了、且把幔兒下著、抽身看老夫人去、下介、老旦
丑扮花仙上、小姐小姐、快起來、快起來、旦做定睛
看介、呀、爲何大驚小怪、你兩個是誰、仙呀、小姐、怎
麼不認得了、我就是茜紅、他是老夫人跟前的采
雲、旦做疑惑介、呀、你們喚我起來做甚、仙小姐、前
年有個史生來議親、是小姐執意不允、如今他中

癡人前不
可說夢若
此佳夢正
要與癡人
說苟有一
半癡不透
便道是戲
不能認真
顛畢矣

了狀元請過聖旨便要來迎娶哩旦哭介有這等
事兀的不驚殺人也且問你老夫人如今在那裏
仙老夫人麼此時敢先接了過門也旦做慌介這
怎麼了

金蕉葉猛聽得一聲去魂靈蕩摩教我獨自個無
言定奪則待把沒主的花容劃破恁捨得胡亂價
絲人指撥內鼓吹大作介仙小姐你聽呵可是迎
親的來也旦又慌介老旦丑下

調笑令旦聽波耳邊過敢真個奉詔旨求婚禮數

苛無端惹下飛來禍。問高堂早望風倒躲。如今待尋方賺脫。困憎騰。又擔不起裙拖。雜捧冠服鼓吹

上

小桃紅

眾龍蔥佳氣擁笙歌。驚起香閨卧。五色花

封耀簾幙。喜如何。到門且把夫人賀。眾見介夫人

旦驚閃介這是那裏說起。眾夫人你忙修黛蛾。添

些花朵。還兜幅俏紅羅。雜鼓樂老旦丑強戴冠易

服介

禿厮兒

旦呀。這的是死安排。金枷玉鎖。扶旦升輿

介旦眼睜睜倒拽橫拖。眾小姐與狀元做夫妻，好

不榮貴也。旦他他他把狀元聲勢看得天來大，我

那娘呵，你撇下個沒頭鵝如何。眾夫人已到門了，

我們請新郎去。下旦呆介呀，這一會怎的寂然了，

末扮花神急上，旋走一轉，却立高處。介旦呀，這穿

紅袍的，好似俺家供養花神形像，不免上前求告

他。旦跪介花神，花神夢花有難，你須索救護者。

聖藥王末夢花夢花，你莫叫訶耐折磨。百花深處，

度南柯。色界非魔，空界非佛。因緣那道夢中訛醒。

夢幻緣

十四

便爭多兀的不是狀元來也。閃下生冠服簪花仙
女鼓吹紅燈擁上

麻郎兒

生宮花帽低簾。錦繡體阿那神仙送咱到

大羅天閣。做見旦介。恰逢了月裏嫦娥。
眾請新人就此交拜。

么旦

我則聽得旁人撮掇。急煎煎皺了雙蛾。撲簌

簌拋殘淚顆。羞答答添些顏面。生夫人。今宵日吉

時良。休教挫過。眾強旦同生拜介

絡絲娘

喜今夕碧澄澄雙星渡河。明耿耿銀蟾入

座百歲良緣一時妥。
旦哭介直恁禁持殺我。
眾夫人請到洞房中去。
旦狀元你好好送我回去待有母命方與你成親。
生夫人你還說甚母命來。

東原樂我聽金鑰想玉珂。乞得君王一聲可。抵尋嘗媒妁多。敢占了風流座。夫人也不枉了你十年清課。
旦狀元這等說來。奴家志操似已稔知。只狀元家鄉姓字爲何。前此未聞。突然奉旨逼婚。竊所未解。
生大人你要問我的家鄉姓名麼。

綿搭絮世居梁里。早歲登科。嘉名史珏。首唱鸞坡。

孤冷從來不著魔。忽逐香風到錦窩。夫人如今好
睡了也。怕漏靜更闌。也應花睡麼。

同下末上姻緣

本是前生定。曾向蟠桃會裏來。史郎劉氏已畢前
姻。早了却五百年前安排定數。便是俺這鴛鴦牒
下。也完得一重公案了。向內喚介紅裳白衣聽吾
分付。史玉郎意外願諧。劉夢花想中情合。男歸梁
里。女返秀州。好風相送。吾神去也。

下旦急上少頃

遠聞吹細管。忽驚身在古梁州。呀。奇哉奇哉。我劉
夢花却被史郎強逼成親。可不羞死人也。喜得夜

闌人定、星月微明、趁此無人知覺、不免悄悄地賺向
前去、急走唱介

拙魯速 羞殺我沒包彈的女嬌娥。驚殺我沒搓挪
的。小心窩迎親誰判合。送親誰撒和。戴上了黃金
條脫。罩上了紅錦兜羅。敢則是在此做夢麼。生察
察耳邊閒貼。眼底摩挲。敢笑癡了春夢婆。內喊介
新人賺出門去也。快趕快趕。雜趕上一轉下。旦仍
伏几介。小旦上。纔侍高堂寢。還添繡閣香。呀。小姐
還睡在此。旦作醒看小旦不語介。小旦小姐。怎麼

你這一會身子何如。旦俛首作想介茜紅。

尾聲 我今朝病祟饒些個。漸覺得神情是我。只是

乍醒尙模糊。你好把香衾加意裹。小旦扶旦下小
姐慢慢的走。

集唐

通宵甲帳散香塵 爲遣相思夢入秦

美人一笑褰珠箔 疑是文姬第二身